



Broj: 05-50-1-625/16
Sarajevo, 30.3.2016. godine

PARLAMENTARNA SKUPŠTINA BiH

- Zastupnički dom -

SARAJEVO

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 30-03-2016			
Organizaciona jedinica	Klasifikaciona oznaka	Redni broj	Broj priloga
01-	5-1-	15-26	16

PREDMET: Odgovor na dopunsko zastupničko pitanje – dostavlja se

Vijeće ministara Bosne i Hercegovine, na 50. sjednici održanoj 30.3.2016. godine, utvrdilo je Odgovor na dopunsko zastupničko pitanje koje je postavio Damir Arnaut, zastupnik u Zastupničkom domu Parlamentarne skupštine Bosne i Hercegovine.

U privitku proslijeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



Bosnia and Herzegovina
COUNCIL OF MINISTERS

Broj: 05-50-1-625/16
Sarajevo, 30.3.2016. godine

Damir Arnaut, poslanik u Predstavničkom domu Parlamentarne skupštine Bosne i Hercegovine, je dana 19.02.2016. godine, postavio je sljedeće poslaničko pitanje:

"Da li Ministarstvo pravde Bosne i Hercegovine planira inicirati izmjene i dopune Zakon o radu u institucijama Bosne i Hercegovine kako bi se potencijalne nejasnoće, koje se odnose na primjenu Zakona o radu u institucijama Bosne i Hercegovine na sva udruženja i fondacije ili samo na udruženja i fondacije koje osniva država Bosna i Hercegovine, te

Da li Ministarstvo pravde planira u sklopu takvih izmjena i dopuna Zakona o radu u institucijama Bosne i Hercegovine predložiti i izmjene tog zakona koje takode nisu usklađene sa relevantnim odredbama Zakona o udruženjima i fondacijama Bosne i Hercegovine, poput, primjera radi obaveze iz člana 61. stav 4. Zakona o radu u institucijama Bosne i Hercegovine o imenovanju prvostepene disciplinske komisije koja broji 6 lica (predsjednika i dva člana i isto toliko zamjenika), među kojima ne može biti poslodavac, iako Zakon o udruženjima i fondacijama predviđe da udruženje mogu osnovati samo tri lica, a fondaciju samo jedno lice, odnosno obaveze iz člana 64. stav 2. Zakona o radu u institucijama Bosne i Hercegovine, koja predviđa čak deset lica u drugostepenoj disciplinskoj komisiji („predsjednika i četiri člana i isto toliko zamjenika“), a što značajan broj udruženja jednostavno ne može zadovoljiti?"

Na postavljeno pitanje, Vijeće ministara Bosne i Hercegovine je na 50. sjednici održanoj 30. 3. 2016. godine, utvrdilo sljedeći

ODGOVOR

Ministarstvo pravde Bosne i Hercegovine je, kao ovlašteni obrađivač i predlagач Zakona o izmjenama i dopunama Zakona o radu u institucijama Bosne i Hercegovine (u daljem tekstu: Zakon), sačinilo i Vijeću ministara Bosne i Hercegovine uputilo Nacrt zakona, koji je Vijeće ministara Bosne i Hercegovine razmatralo na svojoj 37. sjednici, održanoj 30.12.2015. godine i utvrdilo Prijedlog ovog Zakona, uz obavezu da Ministarstvo pravde izvrši dodatne konsultacije s predstavnicima ministarstava koji su na samoj sjednici istakli svoje primjedbe i sugestije.

Navedenim izmjenama i dopunama Zakona o radu predložene su i izmjene odredbama ovog Zakona, koje se odnose na udruženja i fondacije, i to na način da su taksativno pobrojene odredbe koje se ne bi primjenjivale na radno-pravni status zaposlenih u udruženjima i fondacijama, koje su registrovane u skladu sa Zakonom o udruženjima i

fondacijama Bosne i Hercegovine ("Službeni glasnik BiH", br. 32/01, 42/03, 63/08 i 76/11), iz razloga specifičnosti rada ovih pravnih subjekata.

Naime, predloženim odredbama Zakona o izmjenama i dopunama Zakona o radu u institucijama Bosne i Hercegovine, predloženo je, između ostalog da se na udruženja i fondacije ne primjenjuju kompletne odredbe Poglavlja "b) Disciplinski postupak", odnosno odredbe čl. 61.-66, Zakona o radu u institucijama Bosne i Hercegovine ("Službeni glasnik BiH", br. 26/04, 7/05, 48/05, 60/10 i 32/13).

Takođe ističemo da se primjena odredaba Zakona o radu u institucijama Bosne i Hercegovine isključivo odnosi na udruženja i fondacije registrovane u skladu sa Zakonom o udruženjima i fondacijama Bosne i Hercegovine na nivou Bosne i Hercegovine, koje su upisane u Registar kod Ministarstva pravde Bosne i Hercegovine.

Na udruženja i fondacije, koje su registrovane u skladu sa zakonima ostalih nivoa vlasti u Bosni i Hercegovini, od strane nadležnih registarskih organa, na radno-pravne odnose zaposlenih u tim udruženjima i fondacijama primjenjuju propisi, kojima se utvrđuje radno-pravni status zaposlenih u udruženjima i fondacijama tog nivoa vlasti.

Ovom prilikom smatramo za bitnim istaći da su Ministarstvu pravde Bosne i Hercegovine u toku postupka usaglašavanja teksta Zakona o izmjenama i dopunama Zakona o radu u institucijama Bosne i Hercegovine prispjeli dodatni prijedlozi i sugestije, koje će biti predmetom razmatranja, u kom kontekstu će se preispitati važeće odredbe u cilju preciziranja odredaba ovog Zakona, kako bi norma bila primjenjiva, provodiva, jasna i određena.